

320
DECANI FACULTATIS MEDICÆ
**GEORGII VVOLFFGANGI
WEDELI,**

**Medic. Doctoris, Confiliarii & Ar-
chiatři Ducalis Saxonici, Theoretices Pro-
fessoris Ordinarii,**

b. t.

Academiae PRO-RECTORIS,

PROPEMPTICON INAUGURALE

De

SALIE IN SULSO.

7 E N Æ,

LITTERIS KREBSIANIS,

ANNOM DC XCI.



Non sine causâ veteres Sapien-
tiam in quadrato statuebant, ut fortunam ro-
tundo lapidi insidentem, innuentes hujus volubilem & in
horas mutabilem, illius verò sedem firmam & inconcus-
sam esse.

Alio longe elegantiori emblemate firmitudinis sapientiæ divinæ
simulachrum exhibet Salvator Optimus Maximus, *Marc. 9. 50.* quando κα-
λὸν τὸ ἄλας, inquit, εἰὼν ὃ τὸ ἄλας ἀναλον γένηται, ἐν τίνι αὐτὸ ἀρτυήσῃ.
Bona res est sal, æterum si sal insulsum fuerit, in quo ipsum condietis?

Dixerat antea ad suos, *Matth. 5. 13.* ipsos esse sal terræ, seu divinâ sa-
pientia tinctos & imbutos, nosse viam salutis & aliis doctrinam illam
cœlestem impertire debere, complexus sic simul pietatem sinceram, fi-
dem, prudentiam, quod quidem à sacrorum horum mystis repeten-
dum huc est. Sapientiam item hanc divinam solum & unicum esse
condimentum verborum, morum, factorum & totius adeò vitæ. Lau-
de extollens hanc subjungit cavendum esse, ne τὸ ἄλας ἀναλον *sal in-*
sulsum fiat, seu, ut alibi id effertur, ne μωρανθῇ, *infatuetur*: non
esse enim aliud condimentum, quo salire & condire animos liceat.

Hæc optimè quidem habent, sed clarius res patebit, si noveri-
mus, quomodo sal in comparisonem hanc veniat, & quid sit, vel quo-
modo reddatur insulsum. Id enim si constet, longè rectius videntur
patere posse hæc omnia. Cumque contraria juxta se posita magis elu-
cescant, nec simpliciter dicatur, habere debere Christum sequentes
illud sal mysticum, sed & si non habeant, quam miserè degant, duo ista
laudata attendenda potissimum veniunt.

Et primum quidem è salis affectionibus clarere & emicare potest.
Salis puta culinarii, tanquam simplicioris & omnium communissimi.

In sale nil desideratur magis quàm *sapor*, quem & ipsum habet
καλ' ἐξοχήν, & aliis omnibus infinitis modis foenerat, unde & in prin-
cipiorum chimicorum censum venit sal tanquam primum sapidum.
Non sapit esca benè, quæ datur absque sale. Omnia sapida propter
sal

sal saporem obtinent suum & pro salis hujus quantitate, qualitate, miscelâ diversitatem sortiuntur vel offerunt gustatui exposita.

Uti itaque sapor commendat cibos, ita sapientia animum, sapientia cum primis divina, quæ radicatur in sapientiæ fonte *ἡ ἀληθινή* mel-
litissimo. Quo sapidior seu sapore gratior cibus, eo acceptior; quo magis increfcit sacra illa & vera sapientia, eo magis decorat mentem.

Si à sapore discefferimus, laudanda in sale est *integritas*, ut sibi re-
lictum sit, ne utiquam permixtum alieno odore, sapore, colore inquinatum. Ipsum sibi sufficit, nullo eget additamento alio, neque aliud, ip-
si contra facit ad ciborum gratiam apparandam. Quo purius sal est,
eo melius, eo sapidius. Idem valet de divinâ sapientiâ, impermixtam,
infucatam hanc esse oportet, nullâ assutâ sapientiâ humanâ, quæ coram
Deo stultitia est, nullâ eget accessione, instar purissimæ & illibatæ vir-
ginis se habens. Nec dividi debet vel commaculari carnis illecebris,
vel aliis mundanis quisquiliis.

Integritatem salis excipit *consistentia*. Tamdiu sal nomen suum
retinet, & in usus cedit cibarios maximè, quamdiu mensis imponi, &
cibis inspergi potest, candore conspicuum & corporaturâ decenti.
Quando verò vel pluvio cœlo, vel aquâ temperatum deliquium pati-
tur, (ita loquuntur chimicorum filii,) non perditur quidem penitus;
usum verò suum ordinarium deponit. Consistentia hæc emblemata
est constantiæ, ut Christianâ sapientiâ conspicui non diffluant ad mun-
di delicias, ad persuasiones religioni & conscientiæ contrarias. Sem-
per eadem esse debet, non deliquium pati, vel flecti aquis tribulationum
& calamitatum.

Denique *condiendi aptitudo* reliquis omnibus addit colophonem
affectionibus, ad conservanda illa, quæ asservare intendimus, ad dura-
tionem puta longiorem, ne putrilaginem concipiant, ad servandum
saporem, & præstanda omnia ea, quæ à salino principio expectari pos-
sunt. Fallor, an ad innuendum hoc mysticè etiam sacrificiis adhibitum
fuit sal, & in omni oblatione sacrificiorum offerendum erat? *Lev. 2.*
v. 13. omnis victima debebat sale condiri, *Marc. 9. 49.* & igne hinc
comburî. Id eo magis confirmat jam asserta, condiri debere animos,
ne obtorpeant otio, ne vitiis & peccatis corrumpantur ac putrilaginem
concupiant. Ne putris sermo vel ex ore egrediatur *Eph. 4. v. 29.* sed
semper cum gratiâ sale sit conditus. *Coloss. 4. v. 6.* Sicque fœdus æter-

num ipsum (einen Salzbund) signat simul, sic fructum sapientiæ illius, quæ condit carnis stimulos, vel refrenat potius, ne exuberet, & luxuri-
riet.

Hoc pacto sanè videtur clarere posse optimè, quâ de ratione vel quo medio comparationis Salvator salis terræ nomine dignatus sit suos. Non minus quoque idem valebit de statu contrario, si prius dixerimus, quod potissimum intendebamus, de sale insulso ipso.

Sal insulsum ex utriusque prædicati sensu dicitur, quod saporem, exuit suum, ob quem est & dicitur sal, ac in usus defervit. Το μωρὸν de insipido dici etiam ex Hippocrate nostro patet l. 2. de diet. c. 27. t. 2. ubi de iis agit, ὁπόσα ὑγρὴν φύσιν ἔχει, καὶ ψυχρὴν, καὶ μωρὴν, quæ hu-
midam habent naturam frigidamque ac insipidam.

Videri posset contradictio in adjecto, & sal insulsum velut σιδη-
ροξύλον aliquod se habere. Licitum fuerit etiam id ex hypothese sal-
tim asserere, ut sensus sit: posito, si sal reddatur insulsum, quo ipso nil
quicquam derogatur splendori veritatis ipsius. Neque enim insuetum
est, prosequi allegoriam, & conditionatè etiam ulterius rem ipsam il-
lustrare. Verumenimverò eo non opus est, revera enim sal, utut sapi-
dissimum, reddi potest insulsum, infatuari penitus, & usibus suis ine-
ptum reddi, seu ex toto, seu ex parte.

Inverti potest penitus sal & exui suâ velut animâ per ignem, si sol-
vatur aquâ primò & evaporetur, hinc aliquot horarum spatio igne a-
perto exuratur; Solutus per deliquium iterum evaporetur, destillando
inde aquam dulcem, & iterum aliquandiu exuratur; quo pacto re-
petitis aliquot vicibus in limum vel terram puram omni gustu priva-
tam convertitur. Experimentum hoc sal marinum omni falsedine exu-
endi pluries à se factum scribit Blasius Vigenorius l. de igne & sale c. 68. p. m.
125. Addit mirabundus: quorsum igitur falsedo salis mei devenit? certè de
hac re quid dicam nescio, rem autem ita se habere ipsa veritas est. Hunc no-
dum si quis mihi solveret, certè gratum faceret.

Id verò non difficile esse deprehenditur, si noverimus sal esse foetum
terræ, ut sulphur aquæ, mercurio utrisque communi, sex secretiori chi-
miâ. Est materia secunda ex primâ nata, est terræ quædam δύναμις,
ἐνέργεια ac virtus. Terra sale exuta damnata audit chemicis & relol-
lacea, inutilis. Ignis verò elementa salis destruit, particulas acumi-
natas, rigidas, acres, solubiles, sapidas invertit, aqueas proportionatas
abigit

abigit, acidas ab alcalibus urinosi, seu ammoniacalibus, paucis licet, separat, sulphureas exiguas destruit, singulas è loculis suis deturbat, quo sæpius repetito, necessum est tandem nil superesse quàm matricem primam, terram inertem.

Valet idem de salibus quoque aliis, seu acidis, seu alcalibus, lixiviosis. Quis nescit, acetum ipsum sæpe sponte inverti, & inversis particulis insipidum, iners, reddi solere? De salibus lixiviosis idem valet, quod de sale communi jam assertum est. Sal tartari enim eodem modo tractatum, crebriori calcinatione & solutione etiam in terram abit.

Infatuatur itidem & insulsum, saltem secundum quid, & ad debitos usus fit, si fucetur & remisceatur cum aliis, heterogeneis, peregrinis. Sicuti enim aliquando adduntur aromata alia, piper, semen anisi, carvi, vel similia pro suis usibus, condiendi & corrigendi tum cibos, tum humores morbosos, seu flatu quoque; ita impuritas & permixtio alia ineptum reddit omnino. Quis cum terrâ, cum pulvere, cum quisquiliis remixtum sal vel mensæ apponere, vel ferculis remiscere condiendi gratiâ sustineat?

Utriusque exemplum, & inversionis & permixtionis hujus, exhibe destillatio, quando, recepto chemicorum more, addito boli communis pulverisatæ triplo, ad impediendam fusionem, in fluorem adiguntur vi ignis partes acidæ, & separatio elementorum artificiosa peragitur. Ibi toto die & ad oculum ἄλας ἀναλον *sal insulsum* visitur.

Tacemus jam tactam solutionem, quando solutum in muriam abit, nec sic perfectè commodat utentium votis, aqueis nimis diluentibus particulis. Neque enim muria tam condiendi & aptandi ad saporem, quàm asservandi aliquandiu usu adhiberi consuevit. Mittimus oppositam huic ipsam decrepitationem, quando sal ad ignem torretur, aqueo sic absumpto solum phlegmate. Ex his ergò efficitur facillimè, exutum sapore sal, seu dictis illis & cognitis modis, seu aliis, sal esse desinere, & ut ἀναλον, ita planè inutile.

Notanter hinc addit Salvator: ὅτι εἰς γῆν, ὅτι εἰς κοπρίαν εὐχεται ὁ Ἰς, *neque in terram, neque in sterquilinum utile est*; Luc. 14. 34. & Matib. 5. 13. Εἰς ὃ δὲν ἰσχύει ἐπὶ εἰ μὴ βληθῆναι ἔξω, καὶ καταπατεῖσθαι ὑπὸ τῶν ἀνθρώπων, *ad nihil valet ultra, nisi ut projiciatur foras, & conculcetur ab hominibus*. Mens est, alia recrementa, ad cibum inutilia, rejectanea habere suos usus ad stercoreandos & impinguandos agros. Tantum verò abesse

labesse. ut sal insulsum redditum huic fini inserviat, ut potius debeatur locis incultis viarum, quo quisquiliæ aliæ, ut conculcetur, & annihiletur penitus. Ita verò admodum emphaticè insinuat, quàm inutilia terræ pondera sint Christiani, thesauro illo ineffabili orbi, & foras projiciendi extra regnum cœlorum.

Non minus unâ supponitur ac innuitur sal esse sterilitatis argumentum ac causam, quod prius, quàm attingamus penitius, in mentem venit, non paucos contrarium asserere. Instar omnium sit *P. Borellus*, qui *cent. 2. obs. 21. p. 126.* Sal esse adipem terræ, *inquit*, quo fertilis quotidie redditur, cum à pluviis & aliis aquis ad loca decliviora sal dissolutum defertur, unde fit, aquam & terram fossarum terras fertiliores reddere, & montes steriles remanere, fertiles è contra planities. Hincque fit, terram, à quâ sal eductum fuit, sterilem per triennium omninò remanere, donec ab aere vi terræ magneticâ sal denuo attrahatur. Ideo dixit optimè Doctor Doctorum, sal rem optimam esse, & Apostolos ideo sali similes esse asseveravit. Hactenus ille.

At, quantum quidem nostri est loci, diversa est ratio. Ratum hoc est potius, ut alimentum animalium est dulce, ita & idem in vegetabili regno valere; sal verò nutritioni esse contrarium. Testatur id quotidiana experientia, si solum fuerit nitrosus, arbores brevi extingui, nec ætatem ferre, ut & alia vegetabilium genera, muriâ vel urinâ, vel aliis talibus aspersa mox marcescere & emori. Est enim sal contrarium *γλιχρῶν*, acrimoniâ suâ poros findit, & exucca ac arida reddit arbuta.

Interim verum est cineres aspersos vel salia conferre posse ad fructificationem, sed per accidens magis, quod vel tollantur sic peregrina impedimenta, vel porosius sic reddatur solum, vel sulphur magis solubile & ad diductionem aptum, uti solent fimo soluto nitrum addere, solutione hâc grana macerare & imbibita hinc ferere, non minimo cum fœnore. Pertinet huc eo fine etiam accendi aliquando arva, quod latius canit *Poeta l. 1. Georgic. p. m. 34.*

*Sæpe etiam steriles incendere profuit agros,
atque levem stipulam crepitantibus urere flammis &c. &c.*

Notum enim vicissim est desolatis locis inspersum esse sal, & in proverbium abiisse terram salsuginosam pro infœcundâ & sterili, quod & sacris ipsis & aliundè fusius probare supersedemus. Ut adeò sal insulsum

sum plenariè sit ineptum ad illos usus, quos obire sal aliàs consuevit :
è contrario verò *in solo Christo qui sapit, ille sapit.*

His præfandis ansam dedit Disputatio Inauguralis de SUFFUSIONE
Clarissimi & meritissimi Medicinæ Doctorandi,

JOHANNIS GEORGII HASTII,

O SNABRUGENSIS WESTPHALI.

Natus is est Anno M DC LXI. D. IV. Septembr. st. nov. Patre GEOR-
GIO HAST, Chirurgo, Matre CATHARINA Lûbecfers. Horum curâ, à pri-
mâ ætate, ad animum literis & moribus imbuendum, in scholas missus,
in patriâ & alibi Præceptores clarissimos & fidelissimos nactus est, ex
quibus præ aliis laudat M. THEODORUM KORNFIELDUM Con-
rectorem, & M. TOBIAM KUGELMANNUM Rectorem p. m. Inde
præcipuè Malchinum salutavit, singularem expertus favorem JOHAN-
NIS FABRITII Rectoris. Ista verò humaniora studia Hallis Saxonum fi-
niit, M. JOHANNIS PRÆTORII, Rectoris, Amici nostri singularis, & M.
ROTTII Con-Rectoris dexterrima manu ductione usus.

Hinc ad altiora studia tractanda Jenam nostram ingressus Anno
M DC LXXXVI. die III. Aprilis, præter Philosophica studia, & inter
hæc præcipuè mathematica, ex ore Ampliff. Facultatis Philos. Adjuncti
M. GEORGII ALBERTI HAMBERGERI, in Sturmii Tabulas Mathemati-
cas commentantis, medicæ arti se mancipavit.

Seçtatus ergò sedulo est Professores medicos celeberrimos, & nomi-
natim B. D. AUGUSTINI HENRICI FASCHII in Botanicis, Anatomicis &
Chirurgicis lectionibus publicis & privatis indivulsus Auditor fuit &
spectator. Nostrâ verò peculiariter usus est operâ, per universæ artis
latifundia ductus & doctus, privatis, privatissimis & publicis quoque
scholis, ut & Disputationibus ac sectione cadaveris virginei, excursi-
onibus Botanicis & exercitamentis aliis. Deprædicat etiam D. GÜN-
THERI CHRISTOPHORI SCHELHAMMERI Botanicas & osteologicas de-
monstrationes, aliaque discendi suppeditata adminicula.

Tacemus, quæ ex conversatione benevolâ D. JOHANNIS HADRIANI
SCHLEVOGTII, Physici h. l. ordinarii meritissimi, & D. JOHANNIS ER-
NESTI STAHLII, hodiè Archiatri Ducalis Saxo Vinariensis, in usus suos
convertere licuit.

His itaque studiis non interruptâ serie annorum aliquot exant latis publicum præmium, honores in arte summos, capessere constituit, factâ eo nomine decenti à Gratiofissimâ Facultate petitione. Exploratis abundè profectibus sufficientibus & egregiis voti plenissimè damnatus fuit.

Quamobrem, cum ad d. XXVII. Januar. sub Præsidio SCHELHAMERIANO laudatam Disputationem habiturus sit, ad solennem hanc panegyrim Magnificum Rectorem Designatum, Procures Academiae, & Hospites omnium ordinum venerandos, almæque arti faventes officiosè & humaniter invito. P. P. Sub sigillo Facultatis,
M DC XCI. D. XXV. Jan.

L. S.